

Sindikata radnika u zdravstvu u Kantonu Sarajevo
Obala Kulina Bana 1
Broj: 361/17
Sarajevo, 29.05.2017. godine

ZAPISNIK

sa 17. Redovne sjednice Glavnog odbora Sindikata radnika u zdravstvu u Kantonu Sarajevo održane 29.05.2017. godine sa početkom u 14,00 sati.

Prisutni članovi Glavnog odbora Sindikata radnika u zdravstvu u Kantonu Sarajevo (u daljem tekstu: Glavni odbor Sindikata): Bešić Samir, Bijedić Lana, Brajković Mario, Bukvić Semra, Čaušević Amir, Delihanović Kemo, Feta Zarif, Gušić Edis, Habul Mirza, Avdić Emir zamjena za Hrustemović Dženanu, Istenić Nermin, Koudeimati M. Bassam, Kihli Dijana zamjena Pekmez Medina Aminu, Pepić Feka, Sadiković Senad, Selimić Edo, Šljivo Anel, Tukelija Adnan i Vukas Haris.

Odsutni članovi Glavnog odbora Sindikata: Burzić Amir.

Za sjednicu je predložen sljedeći dnevni red:

1. Usvajanje Zapisnika sa 16. Redovne sjednice Glavnog odbora Sindikata radnika u zdravstvu u Kantonu Sarajevo održane 27.04.2017. godine
2. Nastavak aktivnosti vezanih za kolektivno pregovaranje i generalni štrajk
3. Molba za pomoć pri nastavku daljeg liječenja, podnosilac Osmić Dženisa
4. Razno

Predloženi Dnevni red je jednoglasno usvojen, uz definisanje tačke razno:

- a) Zahtjev za jednokratnu novčanu pomoć, podnosilac OSO UKCS za Pinjić Kasemu
- b) Dopis Alibašić Belme, član OSO Zavod za hitnu medicinsku pomoć KS

tako da usvojeni Dnevni red glasi:

1. Usvajanje Zapisnika sa 16. Redovne sjednice Glavnog odbora Sindikata radnika u zdravstvu u Kantonu Sarajevo održane 27.04.2017. godine
2. Nastavak aktivnosti vezanih za kolektivno pregovaranje i generalni štrajk
3. Molba za pomoć pri nastavku daljeg liječenja, podnosilac Osmić Dženisa
4. Razno
 - a) Zahtjev za jednokratnu novčanu pomoć, podnosilac OSO UKCS za Pinjić Kasemu
 - b) Dopis Alibašić Belme, član OSO Zavod za hitnu medicinsku pomoć KS

Ad1.

Zapisnik sa 16. Redovne sjednice Glavnog odbora Sindikata održane 27.04.2017. godine usvojen je sa 17 glasova ZA i 2 glasa SUZDRŽANA (Avdić Emir i Vukas Haris).

Ad2.

Predsjednik Sindikata upoznao je prisutne da smo u fazi mirenja, te da se Ministarstvo zdravstva Kantona Sarajevo izjasnilo po našem pozivu za formiranje mirovnog vijeća, odnosno predlaganje člana mirovnog vijeća – predstavnika poslodavaca, kao i da se sporazumno izabere treći član mirovnog vijeća sa Liste za izbor članova mirovnog vijeća za područje Kantona Sarajevo (u daljem tekstu: Lista). Svojim dopisom, a koji je podijeljen članovima Glavnog odbora Sindikata na početku sjednice, Ministarstvo zdravstva Kantona Sarajevo je ispred predstavnika poslodavaca predložilo prim. dr Turković Samira, direktora Zavoda zdravstvenog osiguranja Kantona Sarajevo, dok člana mirovnog vijeća sa Liste, kako navode, trenutno nisu u mogućnosti predložiti jer su od Ministarstva za rad, socijalnu politiku,

raseljena lica i izbjeglice Kantona Sarajevo dobili informaciju da Lista nije važeća iz razloga što je Lista objavljena u Službenim novinama Kantona Sarajevo broj: 9/09 godine, a prema članu 11. Zakona o radu Kantona Sarajeva Lista se formira za period od dvije godine. Na kraju dopisa, iz Ministarstva zdravstva Kantona Sarajevo ističu da će prijedlog za trećeg člana mirovnog vijeća dostaviti kada Ministarstvo za rad, socijalnu politiku, raseljena lica i izbjeglice Kantona Sarajevo utvrdi novu Listu.

Imajući u vidu navedeno, kao i zakonske propise, predsjednik Sindikata je istakao da postoje dva načina rješavanja kolektivnih radnih sporova, a to su mirenje i arbitraža. S obzirom da u ovom trenutku nije moguće provesti postupak mirenja jer se mirovno vijeće ne može formirati u punom kapacitetu, predsjednik Sindikata je istakao da u šestom mjesecu krenemo sa arbitražom, te je predložio da se:

1. Ministarstvu zdravstva Kantona Sarajevo uputiti dopis kojim se poziva na provođenje arbitraže,
2. Ministarstvu za rad, socijalnu politiku, raseljena lica i izbjeglice Kantona Sarajevo uputi dopis kojim se traži utvrđivanje Liste za izbor članova mirovnog vijeća za područje Kantona Sarajevo,
3. U toku juna i jula tekuće godine provesti arbitražu, odnosno mirenje, te ukoliko se ovi postupci ne okončaju uspješno, u augustu 2017. godine pripremiti dokumentaciju za štrajk, sazvati sjednicu Glavnog odbora Sindikata i donijeti odluku o datumu početka štrajka koji bi, imajući u vidu zakonske rokove propisane za organizaciju štrajka, mogao započeti polovinom septembra tekuće godine.

Nakon okončane diskusije u kojoj su učestvovali: Istenić Nermin, Delihasanović Kemo, Tukelija Adnan, Brajković Mario, Pepić Feka, Gušić Edis, Bukvić Semra, Koudeimati M. Bassam, Šljivo Anel i Avdić Emir sa 16 glasova ZA i 3 glasa SUZDRŽANA (Avdić Emir, Vukas Haris i Koudeimati M. Bassam) doneseni su

ZAKLJUČCI

1. Bez odlaganja pokrenuti arbitražu, tj. Ministarstvu zdravstva Kantona Sarajevo uputiti dopis kojim se poziva na provođenje arbitraže,
2. Ministarstvu za rad, socijalnu politiku, raseljena lica i izbjeglice Kantona Sarajevo uputi dopis kojim se traži da u roku od 15 dana od prijema dopisa utvrdi Listu za izbor članova mirovnog vijeća za područje Kantona Sarajevo,
3. U toku juna i jula tekuće godine provesti arbitražu, odnosno mirenje, te ukoliko se ovi postupci ne okončaju uspješno, u augustu 2017. godine pripremiti dokumentaciju za generalni štrajk, sazvati sjednicu Glavnog odbora Sindikata i donijeti odluku o datumu početka štrajka koji bi mogao započeti polovinom septembra tekuće godine,
4. Sredinom juna ove godine sazvati pres konferenciju, s tim da će se prije sazivanja presa održati sjednica Glavnog odbora Sindikata na kojoj će se utvrditi i usaglasiti tekst saopštenja za javnost i zaposlenike u zdravstvu na području Kantona Sarajevo, a u vezi kolektivnih pregovora.

Ad3.

Nakon uvida u dostavljene medicinske akte Osmić Dženise, član OSO Zavod za hitnu medicinsku pomoć Kantona Sarajevo, Glavni odbor Sindikata jednoglasno je donio odluku kojom se odobrava isplata jednokratne novčane pomoći Osmić Dženisi shodno Odluci o uslovima i načinu dodjele jednokratne novčane pomoći članovima Sindikata.

Ad4.

- a) Nakon uvida u dostavljene medicinske akte i okončane diskusije po ovoj tački dnevnog reda jednoglasno je odlučeno da se, iako se ne radi o malignom oboljenju člana sindikata, već malignom oboljenju djeteta člana sindikata, napravi izuzetak od

kriterija iz Odluke o uslovima i načinu dodjele jednokratne novčane pomoći članovima Sindikata radnika u zdravstvu u Kantonu Sarajevo broj: 64/16 od 16.02.2016. godine, te se odobrava isplata jednokratne novčane pomoći shodno pomenutoj odluci Pinjić Kasemi, članu Osnovne sindikalne organizacije UKCS, za liječenje malodobnog sina.

- b) Predsjednik Sindikata je upoznao prisutne da je, neposredno pred početak ove sjednice, Alibašić Belma, član OSO Zavod za hitnu medicinsku pomoć KS dostavila molbu kojom traži da se razmotri pismeno upozorenje pred otkaz ugovora o radu zbog teže povrede radne obaveze koje joj je uručeno danas. Nakon što su članovi Glavnog odbora Sindikata upoznati sa sadržajem dopisa donesen je

ZAKLJUČAK

Imenovanj uputiti odgovor shodno pozitivnim zakonskim propisima, tj. upoznati je koje joj mogućnosti stoje na raspolaganju za zaštitu nematerijalnih prava iz radnog odnosa, te ukoliko se odluči na pokretanje sudskog postupka po predmetnom pismenom upozorenju da se obrati ovom odboru kako bi joj se omogućilo angažovanje advokata čije će troškove snositi ovaj sindikat.

Sjednica je završena u 15,00 sati.

Napomena:

Sastavni dio ovog zapisnika je tonski snimak rada 17. Redovne sjednice Glavnog odbora Sindikata.

Zapisnik sačinila
Malićević Sanela, dipl. iur

Predsjednik
Prim. dr Edo Selimić